

Rhifyn Tri
RHAGFYR 2021



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

CIPOLWG AR Y BWRDD



Croeso i Gipolwg ar y Bwrdd, fel aelodau Bwrdd yr Awdurdod Iechyd Arbennig, rydym i gyd yn teimlo ei bod yn bwysig eich diweddarau am rywfaif o'r gwaith rydym yn ei wneud ar draws y sefydliad ac yn GIG Cymru.

Daw'r rhifyn hwn gan **Marian Wyn Jones**,
ein Haelod Annibynnol.

Annwyl gyfeillion/ gydweithwyr,

Wrth i'r Nadolig agosáu, roeddwn i am rannu rhai o drafodaethau a gweithgareddau'r Bwrdd gyda chi ers rhifyn diwethaf Cipolwg ar y Bwrdd.

Ein cyfarfod Bwrdd olaf ar gyfer y flwyddyn galendr hon oedd y cyntaf i gael ei gadeirio gan ein Cadeirydd parhaol newydd, Simon Jones, ac rydym yn edrych

ymlaen yn fawr iawn at weithio gydag ef ac i adeiladu ar y cynnydd da a gyflawnwyd hyd yn hyn. Dyma hefyd oedd cyfarfod olaf Bwrdd Sian Doyle, Aelod Annibynnol, yn dilyn ei phenodiad diweddar fel Prif Weithredwr S4C. Er ein bod yn dymuno'n dda iddi yn ei rôl newydd, bydd colled fawr ar ei hôl hi.

Dyma rai o uchafbwyntiau allweddol cyfarfod y Bwrdd:

- Mewn gwirionedd, dyma oedd ein cyfarfod rhithwir cyntaf ar Zoom. Er mwyn cefnogi targed Llywodraeth Cymru i gyrraedd miliwn o siaradwyr Cymraeg erbyn 2050, galluogodd hyn y defnydd o gyfieithu ar y pryd fel rhan o ddull Iechyd a Gofal Digidol Cymru i'n hannog i siarad mwy o Gymraeg.
- Roedd yn bleser mawr clywed am y Cofnod Gofal Nyrsio Cymru (WNCR) sydd wedi ennill gwobrau, sef cofnod nyrsio digidol safonedig Cymru gyfan sydd ar waith mewn ysbytai ledled Cymru ym maes Gofal Cleifion Mewnol sy'n Oedolion. Roedd arweinwyr Nyrsio a Bydwreigiaeth wedi nodi bod y Cofnod Gofal Nyrsio Cymru yn ofyniad allweddol er mwyn safoni dogfennau nyrsio a lleihau dyblygu ac amrywiadau. Roedd yn wych clywed adborth mor gadarnhaol gan ddefnyddwyr.
- Cawsom gyflwyniadau ar y Strategaeth Ymchwil Data Genedlaethol, y Strategaeth Pensaerniaeth Agored, a diweddariad ar gynnydd i ddatblygu Cynllun Tymor Canolig Integredig Iechyd a Gofal Digidol Cymru 2022-25, y disgwylir ei drafod yng nghyfarfod nesaf y Bwrdd ym mis Ionawr.
- Fel Cadeirydd y Pwyllgor Archwilio a Sicrwydd, tynnais sylw at faterion allweddol a ystyriwyd yng nghyfarfod mis Hydref, ein trydydd hyd yn hyn, a oedd yn cynnwys diweddariadau gan Archwilio Mewnol ac Archwilio Cymru. Gwnaethom adolygu'r gofrestr risg gorfforaethol, derbyniwyd sicrwydd bod y Cynllun Iaith Gymraeg yn cael ei ddatblygu'n rhagweithiol, gan nodi y byddai penodi Rheolwr Gwasanaethau Iaith Gymraeg yn hanfodol er mwyn hyrwyddo'r iaith o fewn Iechyd a Gofal Digidol Cymru.

Yn y cyfamser, rydym wedi archwilio nifer o feysydd hanfodol fel bwrdd yn ein sesiynau Datblygu'r Bwrdd, gan gynnwys diben craidd Iechyd a Gofal Digidol Cymru fel rhan o'r system iechyd a gofal, ein dull o ddatblygu ein gweledigaeth a'n strategaeth hirdymor yn ogystal â'n parodrwydd i dderbyn risg.

Rydym wedi cael sesiynau briffio defnyddiol ar y Rhaglen Strategol ar gyfer Gofal Sylfaenol a Datblygu Clystyrau dan arweiniad Sue Morgan, Cyfarwyddwr Cenedlaethol dros Ofal Sylfaenol yng Nghymru. Rydym hefyd wedi ystyried y Fframwaith Perfformiad Integredig a'r Cynllun Gweithredu Ymgysylltu â Rhanddeiliaid drafft cyn eu cyflwyno yng nghyfarfod nesaf y Bwrdd ym mis Ionawr.

Mae'n dda nodi bod y cynnig i sefydlu Rhwydwaith Digidol Aelodau Annibynnol GIG Cymru wedi cael cefnogaeth gan bob Bwrdd Iechyd, Ymddiriedolaeth ac Awdurdod Iechyd Arbennig yng Nghymru, gan ein galluogi i ymgysylltu ymhellach, rhannu arferion a dysgu da a sicrhau aliniad strategol.

Diolch i'r staff yn Iechyd a Gofal Digidol Cymru a ymunodd â fy sesiwn TenTalk mewnol diweddar. Rydw i'n gobeithio eich bod wedi dysgu ychydig mwy am fy nghefnidir! Roeddwn i wir yn gwerthfawrogi eich adborth a'ch cwestiynau meddylgar.

Yn olaf, roeddwn yn falch iawn o glywed bod Helen Thomas, ein Prif Weithredwr, wedi ennill gwobr Prif Swyddog Gweithredol y flwyddyn yn y Gwobrau Iechyd Digidol. Mae'n dyst i ansawdd ei harweinyddiaeth ac yn gydnabyddiaeth o'ch cyflawniadau aruthrol fel staff Iechyd a Gofal Digidol Cymru yn ystod cyfnod o newid a her digynsail. **Da iawn! Llongyfarchiadau!**

Marian Wyn Jones
Aelod Annibynnol

